

Inatsisartunut ilaasortaq Per Berthelsen

Inatsisartunut Ilaasortap Per Berthelsenip Ilinniarnertuunngorniarnermi ilinniarfiup (GU) maannakkut siunissamilu piginnaaneqarfigisassai pillugit apeqqutaanut akissut

Ilinniarnertuunngorniarnermi ilinniarfiup piginnaaneqarfigisassai pillugit apeqqutit pingasut Pisortaqarfiup tigusimavai:

1. Ilinniarnertuunngorniarnermi Ilinniarfimmi (GU) kalaallit inuusuttut piukkunaateqartut tamaasa tiguneqarsinnaaqqullugit, Naalakkersuisut qanoq iliorlutik inissanik amerlanerusunik pissarsisinnaaneq isumaginiarpaat?
2. Ilinniarnertuunngorniarnermi Ilinniarfiup (GU) allineqarnissaa piffissamut qaqugumut ilimatigineqarpa?
3. Ilinniarnertuunngorniarnermi Ilinniarfiup allineqarnissaa qanoq akeqassanersoq Naalakkersuisut naatsorsuutigaat?

1-mut:

Kalaallit Nunaanni ilinniarnertuunngorniarniit, Qaqortumi, Nuummi Aasiannilu GU-mi atuarfiit soorlu HTX-mi HHX-milu Sisimiuniittut Qaqortumiittullu isumagisaraat, ullumikkut qinnuteqartut piukkunaateqartut tamarmik tiguneqartarlutik.

Qinnuteqartut, meeqqat atuarfianniit toqqaannartumik qinnuteqartut atuarfimmiit piukkunaateqartutut nalunaarutigineqartut tiguneqartarput, atuartut taakku tiguneqarnissamut inatsisitigut pisinnaatitaaffeqarlutik.

HTX/HHX-mi atuarfiit tigusisinnaanerat killeqarpoq, tassa ukiumut ataatsimut klassit marluinnaat tiguneqartarmata. Piukkunaateqartunik allanik qinnuteqartoqarsimappat, taakku GU-mi atuarfinni allani tiguneqarsinnaapput. Tamanna tiguneqarsinnaanermut kaajallaasitami qulakkeerneqarpoq. Periarfissaq taanna maannamut ataasiaannarluni pisumi atorneqarnikuuvoq.

Qinnuteqartut ukiumi ataatsimi imaluunniit ukiuni arlalinni aturfearfiup aqqissuussaananerata avataaniissimasut – efterskoli ilanngullugu – rektori aqqutigalugu tiguneqarnermik taaneqartartumik tiguneqartarput. Tamanna isumaqarpoq, atuarfimmi rektori qinnuteqaateqartup tiguneqarnissaminut piukkunnassusianik karakteritigut angusarineqarsimasut aallaavigalugit naliliisarpoq.

16/03 2006
J.nr. 02.23.00024
Dok.nr.140229

Postboks 1029
3900 Nuuk
Oq/tel +299 34 50 00
Fax +299 32 20 73
Kiip-mail@gh.gl
www.nanoq.gl/kiip

Inuusuttut ukioqatigiiaat amerliartorneri, 2008-mi meeqqat atuarfianni ukioqatigiiaat marloqiusamik ajornartorsiutaanerit tunngavigalugu kiisalu naalackersuisut ilinniartaanermi aqqissuussaannikkut inuusuttut amerlanerusut aqqusaarisalernissaannik kissaatigisaqarnerat pillugu, naalackersuisoqarfiup "Ilinniartitaanermut pilersaarut"-mi ilaatigut ilinniarnertuunngorniarnermut tunngasunut siunertat saqqummiuppai. Tassani ilimagineqareerpoq ilinniarnertuunngorniarnerni ilinniartut amerlanerusut tiguneqartarnissaat, taamaattumik ataatsimut isigalugu kollegiat tigusisinnaanerisa amerlineqarnissaat kiisalu Nuummi GU-mi atuarfiup allineqarnissaat sulissutigineqarput. Tamanna piviusunngorumaarnersoq, ukiuunerani ataatsimiinnermi aningaasanut inatsisissap akuersissutigineqarnissaa apeqqutaavoq, Ilinniartitaanermut pilersaarut aningaasanut inatsisissatut siunnersuutip ilaatut ilaammat.

2-mut

Nuummi GU-mi atuarfiup allilernissaanut qulaani taaneqartumut piffissaq ilimagineqartoq tassaavoq – aningaasanut inatsisissaq saqqummiunneqartutut akuersissutigineqassagaluarpat – immikkut ilassutissaq 2008-mi naammassineqassasoq.

3-mut

Taanna immikkut ilassutissaq 10,3 mio. kr.-nit missaannut nalilerneqarpoq. Tassunga ilaapput kollegianik sanaartorneq, atuarfiup ingerlanneqarneranut aningaasartuutit qaffariataat kiisalu ilinniagaqarnersiutit angalanermullu aningaasartuutit.

Ikinngutinnersumik inuulluaqqusillunga

Doris Jakobsen
Naalackersuisunut ilaasortaq